

**Ikiaroorartunik sakkortuunik eqqusseriartunut, tuniniaasunullu pineqaatissiisernerup sakkortunerulernissaa pillugu Naalakkersuisut 2023 naatinnagu Naalagaaffimmut saaffiginnissuteqarnissaannik Inatsisartut aalajangiiffigisassaattut siunnersuut.**

(Inatsisartuni Aqqalu C. Jerimiassen, Atassut)

**Akissuteqaat**

(Aatsitassanut Inatsisillu Atuutsinneqarnerannut Naalakkersuisoq)

**Siullermeerneqarnera**

Ikiaroorartut anngiortumik eqqunneqartarnerannut tuniniarneqartarnerannullu atatillugu inuiaqatigiinnitsinni ajornartorsiutit annertuut nassaassaasut pillugit ukkassineranut Inatsisartuni ilaasortaq Aqqalu C. Jerimiassen, Atassut, Naalakkersuisut qujaffigaat.

Hashimik anngiortumik eqqussisarneq tuniniaasarnerlu annertuumik ajornartorsiutaareerpoq, aamma attaveqaasersuutit inuiaqatigiinnilu atugarissaarnerup ineriartorneri ilutigalugit ikiaroorartut sakkortuut aamma annertunerujartortumik nunatsinnut eqqunneqartalernissaat sioragisinnaavarput.

Taamaammat inuit anngiortumik eqqussisarnernut tuniniaasarnernullu tunuliaqutaasut, taakkuusullu taamaaliornernik iluanaaruteqartartut, sakkortuumik pillarneqartarnissaat annertuumik pingaaruteqarpoq.

Hashimik anngiortumik eqqussinermut tuniniaanermullu iliuuserisanut kinguneqartitsinerit ullumikkut assersuutigalugu Danmarkimi assingusunik unioqqutitsinernut naleqqiullugit annertuumik qaffasinnerupput. Taamaapput ingammik taamatut pinerluttuliortarnerup, inersimasunut meeqqanullu inooqatigiinnermut tunngassuteqartunik ajornartorsiutinik taama annertutigisunik malitseqartartut, qanorluunniit akuerineqanngilluinnarnissaat pillugu politikikkut ersarissumik kalerrisaarisooqarnikummat. Taamaammat sulisaaseq ineriartortinneqarsimavoq, taannalu eqqartuussivinnit malinneqarpoq, tassani hashimik annertunngitsumik anngiortumik eqqussineq immi inissiisarfimmi inissinneqarnermik kinguneqarsinnaalluni. Sulisaaseq taanna tamatuma peqatigisaanik Kalaallit Nunaanni pissutsinik tunngaveqartutut isigineqassaaq, matumani ikiaroorartut akiisa qaffasissusaat aamma taamaammat assigisaanik Kalaallit Nunaanni inatsisit unioqqutillugit ikiaroorartumik niueruteqarnermi annertunerungaartumik iluanaaruteqartarnerit ilanngullugit.

Pinerluttuliornerit ikiaroorartunut attuumassuteqartut nalinginnaasumik ukkatarineqartut, aamma aqqusinerni pinerluttoqarsimaneranillu paasiniaanerni annertunerusuni suliniuteqarnerit suliarineqartartut Kalaallit Nunaanni Politiit ilisimatitsissutigaat. Tassunga atatillugu pinerluttuliortut ilaatigut ikiaroorartunik sakkortuunik eqqussinissaannut periarfissanut atatillugu, Kalaallit Nunaanni mittarfiit nutaat ammarneqarneri aamma ukkatarineqarput.

Ikiaroorntunik eqquassinissamut tuniniaanissamullu inerteqquteqarneq pillugu inatsisiliorneq Ikiaroorntut pillugit Inatsisartut inatsisaanni nr. 24-imi, 25. novembari 2022-imeersumi, 2023-imilu jannuaarip aallaqqaataani atuutilersumi, nassaassaavoq. Pineqaatissiinerit suut eqqartuussissutaasinnaanersut, aamma iliuuserisat kinguneqartinneqarneranni eqqartuussiviit pineqaatissiinissaminni pissutsit suut sukannerulerulersitsisutut pingaartissaneraat, inatsimmi tassani aamma aalajangersarneqarput.

Pineqaatissiinerup sivisussusissaanik aalajangiinermi, ikiaroorntunit pineqartunit ajoqusiinerit sunniutaat pingaartinneqassasut, aamma “ikiaroorntunik immikkut ulorianartunik ajoqusiisinnaasunilluunniit arlaleriarluni tuniniaanerit” pineqaatissiinermi malunnaatilimmik sakkortunerulersitsisutut isigineqassasut, Inatsisartut inatsisaanni § 5, imm. 4-imi ilaatigut takuneqarsinnaavoq. Kokain-i pineqarpat, tamanna ilaatigut atuuttussaassaaq.

Inatsisartut inatsisaat nutaajummat, uagut nunatsinni ikiaroorntunut akuersaanngilluinnarnerput, aamma taakku pillugit suliani sakkortuumik qisuariartoqartariaqarneranik, ingammik inunnut tunuliaqutaasunut, kissaateqarnerput pillugu naalagaaffimmi oqartussanut saaffiginninnissamut siunnersuutip Naalackersuisut iluatinnartumik periarfissippai.

Tamanna tunngavigalugu Naalackersuisut allannguutissatut siunnersuut tulliuuttoq siunnersuutigaat:

*“Ikiaroorntunik sakkortuunik eqquassisartunut tuniniaasunullu, aamma unioqquitsinernut taakkununga inuit tunuliaqutaasut pillugit, pineqaatissiisarnert sakkortunerulernissaat pillugu Naalackersuisut 2023 naatinnagu Naalagaaffimmut saaffiginnissuteqarnissaannik Inatsisartut aalajangiiffigisassaattut siunnersuut.”*